

天一閣藏明代方志選刊續編

嘉靖涇縣志（安徽）
嘉靖寧國縣志（安徽）

天一閣藏明代方志選刊續編

三六

上海書店

涇縣志序

郡邑之有志猶古列國之史所以彰往
昭來闡幽揚休厚風俗而寓勸懲也故
傳之禹貢列之職方分之周官著之圖
籍而凡載在方輿者先王重焉迨西京
劉向著郡國之事東漢南陽撰風俗之
編而後郡國分合有志至於今犁然舉
矣昔孔子嘆杞宋之無徵而曰吾志在

春秋蓋有其志而後見之行事是志爲
重也夫典禮綱常相因者也制度文爲
隨時者也非參稽互察原始要終而推
尋之雖智者不能爲臆說矣涇固先秦
之舊邑而江左之名區也漢晉以來封
壤彌鉅至唐天寶末恭中析爲旌太石
埭三縣而涇地分焉

國朝仍宋爲寧國之望邑自宋嘉定濡湏

王尹林因洪水之後稍輯圖志紛牘未
究今復數代仍無完書雖歆州之址桓
彝之城琴高公之跡劉遺民之臺磨崖
之碑太白之踪觀者無所於稽也嘉靖
庚戌東園丘公時庸來令博採文獻逾
年辛亥予自九江遘先宜人憂還居山
中旣禪除矣丘公來屬輯志辭謝不獲
且謂涇之流風遺事凋殘於兵火之際

淪喪於蒙古之時舊典湮沒什不存一
生於千百載之後而欲尚論千百載之
前操筆執簡者固難爲功哉迺檢之圖
帙詢之耆舊考古酌今提類彙目務協
輿論其涉諛近侈者並以義刪之而志
撰焉惟王體國經野升降離合之迹世
變攸係也故建置紀惟山川夷險遠近
比疆域之理協民俗之宜也故輿地紀

惟官司統屬以正紀綱而聯人民憲章
所在不可易也故秩統紀惟興作之役
王政不廢分署聽政當念民力之艱也
故次舍紀惟有國者不盡人之財力其
節省之宜視物產阜薄以爲貢賦輕重
也故田賦紀惟祭義國之大事昭之彛
典必致其誠敬以格於神明也故禋祀
紀惟邑宰勤民惠澤下究司教敷訓學

校攸隆明德休烈百世如見也故歷官
紀惟疇咨時舉招延之典今昔異制而
得人才以同治道則科目爲重也故選
舉紀惟士之有功德言行者皆可不朽
而幽人貞婦咸足以風示將來也故人
物紀惟文章關乎氣運本諸學術其著
述之善者皆以飾德表行撰物紀勝不
可闕也故藝文紀終焉由是沿革以識

官師以具觀法昭而制作備矣竊又自
念昔江文通以修史之難無出於志雖
陳壽猶善叙述李延壽猶悉舊事而志
獨畧焉蓋繁則冗簡則疎不辯不敷不
斷不法溢美則虛徇情則私故修志之
難也予小子才淺力薄何能發明於其
間哉聊輯見聞之舊以備遺忘庶言治
教者有所資爲士民者有所感而丘公

所以興廢舉曠者可表見矣昔人云欲
觀聖王之跡則於其燦然者矣涇固南
畿輔邑

王化首善之域也覽山川之鉅麗而知靈
氣之委觀人物之炳蔚而瞻

聖澤之深後之君子有志於經邦稽古者
得有考焉志凡十卷俱丘公捐俸梓行
而襄事後先則縣倅東湖陳君權之勞

居多迺若縣倅蔣君懷行縣幕周君全
學諭林君燦學訓彭君儒黎君文啓皆
樂視其成云

大明嘉靖壬子七月朔旦

賜進士第中順大夫知江西九江府事前
部郎中行人司司正邑人嚴潭王廷
翰撰

傳

大相嘉祐壬子十月既旦
樂其為云

學歸林吾樂爲隨俗喜游絲市文士
岳多豐茂綠中隱吾樂子綽某同飲全

涇縣志纂輯凡例十一條

一是編蒐羅故實采拾舊聞因事直書而備錄之
故其詞質而不華始之以建置終之以藝文而
又以類分註蓋綱舉目隨亦史體之大畧也

一涇邑舊無完志惟宋嘉定間縣尹王林因洪水
之後新移縣治而輯其大畧事多譌舛殘缺弗
備今又踰數百年先輩增入抄集尚存一二今
茲補訂輯以成斯志

一境內山川錄其名蹟勝者

一戶口貢賦前代錄舊志所存者

本朝錄國初及近歲所上者其不可考者闕焉

一祠廟載祀典及有關係者書之寺觀載定額者亦書之

一宮室亭臺關一縣者志之私居行樂之所雖勝不入

一前代職官名氏舊志亡缺不備今考史傳足以傳信者備書之其無考者仍舊焉

一名宦人物必旣歿乃書其見存者雖有美蹟亦

不備書若嘉靖以來士大夫方歿輿論未定亦不備書以俟後之秉筆者

一鄉宦人物惟以世代爲先後其忠節孝友勲業文學隱逸卓行並不析類蓋據事直書而其義自見其鄉行孝行節行之類先輩所傳者亦例書之蓋邑人有善可述足昭激勵者亦志之不敢深論也

一詩文識荆建紀遊歷有關邑志者書之私家記序不書外教碑碣不書

一、是志惟采舊志及所知聞者書之其近時事行有未備者後之君子其增入焉

一、是志惟采舊志及所知聞者書之其近時事行有未備者後之君子其增入焉

一、是志惟采舊志及所知聞者書之其近時事行有未備者後之君子其增入焉

涇縣志目錄

縣圖三

縣境圖 縣治圖 縣學圖

建置紀卷之一

歷代沿革 分野 疆域 坊都三門市

輿地紀卷之二

山 水 津橋 水利

風俗

秩統紀卷之三